

重修威縣志

第拾伍冊

金石志下
清 民國

威縣志
卷十九

江苏工业学院图书馆
藏书章

威縣志卷十九

金石志下

清 民國

清

順治臥碑

按深州風土記謂饒陽志云明洪武十五年所頒臥碑條例與此大同小異故棄彼錄此我朝開國諸臣不能創議教條乃至一襲明故是負主上委付不盡心議事之失要其戒示諸生略已明備今洪武臥碑已亡專恃國朝所刻士人尙有所遵守云云觀此是明代已有臥碑矣順治臥碑已見學校志

又按深州風土記載順治臥碑大旨謂國家功令非一州縣所宜私今以入之金石者碑閱二百餘年多已剝落不敢聽其湮沒也又謂末二則不許建白利病不許立盟結社刊刻文字把持官府蓋深有鑒於借公濟私下流訕上諸弊習故垂爲大戒若以今日歐美各國務伸民權之義論之則皆所謂君上之壓力矣云云

吳氏特舉此端含蓄其辭以指示之蓋亦深不以壓力爲然者

重修文昌祠魁星樓記

舊志

粵自勝明鼎興肇建鴻基罔不以學宮爲首務故禮重辟雍詩歌泮水其所由來尙矣洎之東南爰有至聖先師廟在焉廟之巽隅爲文昌帝祠祠之南隅則魁星樓也魁著象於天建柄於杓而徵瑞於人文天祿石渠玉皇香案在在現靈護法其爲文光之騰曜而俊譽之崇奉者亘古於茲矣余自徂夏受事於威謁廟之餘顧瞻正殿兩廡尙爾堅整文昌帝君祠雖亦煩葺治而□□□□□□橡牆垣臺□傾圯較甚用是□然籌之今春王與學博鄭楊二先生先謀所以鼎新之者蓋不出乎吾輩同志諸君子也迺謹撰募文冀成勝舉旣各捐俸以資工料而紳衿之樂助者羣起而應之遂于小春月望而斯樓適成將見層台高聳則紫薇之照臨也回欄周置則魁璧之肆應也像貌森嚴靈光輝燦則五星之聚東井而百里之慶賢人也登斯樓也則有對西山而占旺氣臨洺水而溯文源快然與彼都人士指魁斗以爲盟進竿頭于百尺樓矣柳子云文章如繁星麗天芒寒色正其魁星係繁星之主拜瞻而尸祝

之自是甲第蟬聯功名煊赫端在斯乎卽歲之蒲月歲試泮遊者倍于昔而甲於諸邑謂非其明驗歟嗣後梓橦廟以及一概墉垣咸計鳩工崇飾煥乎聿新於以輔光聖殿而環暎魁樓棧樸之化後先接踵豈惟司教鐸者成人有德永嗣徽音卽不佞叨沐威土不亦于茲有厚幸耶至于同事諸君姓氏應勒石陰以誌振起人文之盛事云是爲記

按此記知縣張楷撰查職官表張楷順治十四年任

重修廟學碑記

朝廷設官立學以教天下自國都以至郡縣皆有之威邑之文廟與學在城東南隅創置未詳何代考諸斷碣殘碑自宋元迄明改建修造歷有沿革其大殿則自嘉靖年間知縣高公自卑重修歷今百有二十餘年既歲月之相仍遂傾圮之屢見邑侯緱公諱酉生字二酉河南彰德府安陽縣人中式順治二年首科孝廉客歲庚子秋杪來任威邑下車之明日祇謁先聖先賢既週視學宮見其荒圯頽蕪卽慨然有興作意然以蒞政伊始方兢兢吏弊民瘼撫循抉剔之不暇及受事甫數月政平訟理

吏畏民懷而威大治業已刊之梨棗載之歌謠爰謀所以舉事不惜首捐俸錢鳩工庀材又念物料倍貴工程浩繁捐俸之不足復力行設處約計千金有餘凡一磚一木毫不科乃民間且鼓舞倡率俾薦紳士子無不輸心樂助庶民子來惟恐後焉及因人之在官者役之更擇諸生之能幹有爲者董其役而躬爲之指授經營之始必先聖廟舉舊制之摧剝者撓毀者悉撤而去之而節而稅而隅而廉而棟楹而簷阿湫隘者高廣之黯黹者黝聖丹漆之殿后兩旁舊無圍牆併增而纍之其盤基之固結構之密視昔有加焉大殿旣成乃次外屏次兩門次牆垣次兩廡以及泮池達路殿台階砌規爲次第各盡經畫於是司教鄭君司訓郭君暨闔庠諸生等賢其事欲勒之貞珉以誌不朽詔余爲記余譴劣無似陟伏林壑不能揄揚盛美謹紀斯事之大概用表賢能之萬一蓋經始于十八年春二月落成于十八年秋七月

按此碑記邑人李鵬程撰記中謂邑侯蘇西生安陽人中式順治二年庚子秋來任威邑又謂經始於十八年春二月落成於十八年秋七月考庚子係順治十七年

揚我劉公行略

按劉名名玉劉君派久之叔弱冠爲督學使者左公光斗所賞觀光上國復爲成均所推重後以逆奄魏忠賢竊權遂旋里此行略乃公

胞弟如玉撰順治十八年上
石惜字多缺略不克詳載

彥我劉公碑記

形影劉名廣俊記中大旨載廣俊因清兵南牧避居邑中城破遂不見

無棺代葬之復問其家襲某鸞女憐而收養之又焚債券數百置義餅施曠宅大
都踵廣俊之素行子二派瀨派洗此記即其子所撰也順治十八年立石字殘
完不

重修城隍廟碑記

碑在城隍廟康熙三年立鄉進士候選知縣劉派久撰文鄉進士
張騰雲篆額鄉進士賈承祖書丹文謂城隍廟自明迄清重修者

六至順治十五年劉名玉等復請於邑令張楷募捐重修落成于康熙三
年時邑令為馬九思儒學訓導郭鞏固前教諭鄭選典史商杞同立石云

重修兩齋碑記

碑在明倫堂前康熙十六年立文略謂訓導王公字澤於庚子來威
以明倫堂之兩齋傾圮倡議重修邑侯李公之棟縣尉孔公尚倫捐

欸助之庠生督工遂得並建云結銜知縣李之棟教諭鹽山劉肯武
訓導古雄王字澤典史浙紹孔尚倫督工生員董立極李佳等同立

威縣重修學宮碑記

閒嘗讀善哉泮宮諸什而知作人雅化自學校始俗之抗敝也習刑名雜伯術遂日
翫於法而無所準聖主起而振興之州庠黨塾上等於辟雍士遂熙熙然有三代風
而承流宣化則惟良有司是賴威為古望邑近列千里畿內地觀光切起化易茂宰
李侯下車謁學宮畢顧瞻殿廡摧剝戟泮傾圯敬一亭啓聖祠僅存基址櫺星門外

三坊卑隘久敝如無坊然至若祭器藏書復多缺略爰惻然動念督物料庀材木捐俸鳩工畢力集事摧剝者修葺之頽圯者繕治之因舊址而鼎造易卑隘爲崇高牲帛籩豆補其缺略經書子史增其未備輪奐以新規制有加過者改觀居者增氣而又日進博士弟子員讀習課藝遵經法傳儼然環橋門而聽睹矣威人士曰猗與休哉今之文翁也予方休沐聞之執簡而前曰敢請大書於石夫士之釋驕而仕擁車蓋盛騶從趾高而目張日營營於簿書錢穀中程衡石督稅租課丁而履畝曰吾異日者獵金紫潤囊橐俱以是爲階梯焉勞精憊神其敢辭諸至朔望日循故事一至芹宮憤憤然罄折而退環視膠庠鞠爲茂草弗恤也嗚呼身從此出而不知重於青衿子且摧抑焉是穫篝車而毀耒耜曾農夫之不若也神其吐之哉李侯之治威也愛民勤職潔已秉公核賦役而正之慎刑獄而平之轉輸不派里甲遞馬飼諸官廐革羨罷勾屏役絕賂汰雜徭釐剔積弊催科寓撫字而要歸乎仁儉及清地審編餉軍行恤城工均房稅比閭安堵巷贊塗頌善政種種難更僕數而興學造士尤其重且大者深沈雅重口不言功絃誦之聲洋洋盈耳今天子博求文學士重趼疊跡待

詔金馬門下如有以我侯入告者則必能倡明聖學崇德更化不止於上林賦賢臣
頌動九重之色笑已也於宰威見一班矣侯李姓名之棟字隆吉山東平度州人與
予同登馬世俊榜進士予因著厥美而繫以歌云

歌曰生近聖人之居長讀聖人之書新聖人之居而煥如非聖人之徒其誰與

按此碑記在文廟金聲門外康熙十七年歲次戊午十一月永年縣申涵汾撰文

楊公重修廟學碑記

按此碑記在文廟玉振門外康熙二十年渠強縣教諭賈承祖撰文略謂教諭楊公芳聲謀諸邑令史公在鑛捐俸首倡募緣

修飾革故鼎新云書丹者爲壬子舉人張明遠篆額者爲南甯府通判翟拱宸

直隸廣平府威縣城北沙地百姓奚從衆等公討執照感恩勒石

按此石記在城北五十里軍寨村西

土地祠內清康熙四十年立大旨謂城北五十里有沙地數區東至宋安村西至廣宗縣界南至軍寨北至西范莊俱係飛沙薄土高者不毛下者稍可耕種十畝者不能敵上田一畝每年收入正貢不足所以自明朝嘉靖以來有五畝折一畝者有三畝折一畝者文廟署內均有碑碣可驗又飛沙等處人多逃走棄故土者畝所剩無能弱輩苦守飛沙薄地苟延歲月近有無賴棍徒偷盜柴草被獲遂以勒索地揭告被告家傾家破產冤無所訴嗣因聯名叩陳苦情查明照給示獲遂以勒索石垂後云云觀此可略明當年折畝情狀

又按記內有本府石大老爺永年縣正堂柯老爺本縣正堂陳大老爺公同查明字樣考府志職官表石當是康熙間廣平府知府石佳彝柯爲永年知縣柯永智

陳爲威縣知縣陳世蔭

永興令劉公碑記

興按劉名派久記中大旨載邑侯史稟請順天學政謂湖廣郴州永興縣知縣劉派久係順治戊子科中式第二十四名舉人筮仕南

服身遭變故經百折而不同誓九死以靡他在漢子卿在宋洪皓在清則派久又謂其螟蛉子麟嗣涕泣悲鳴誠動天人獲穆將軍印票間闢萬里扶輓而歸蒙學政允爲題請先給送臣忠子孝匾額以榮之惜碑文剝蝕事多未詳前數行有溟蜀字溟疑漢字之訛又有不受偽票字當是值清初南陲之變亦未可知查廣平

府志職官表康熙間威縣知縣有
史在鎮所謂邑侯史疑卽在鎮也

安光生先生墓表

贊自髫髻趨庭卽聞先君子廷玖公屈指威邑賢士如王儕鷗杜瓜里漁臺安淡齋及輝生之胞弟光生先生儕鷗博學善書不交時貴城居數十年足跡不至公庭縣令甲爲某製壽屏倩書不可邑之隱君子也瓜里布衣能詩飲酒浩歌著書自娛不爲舉子業嘗道裝杖頭挂壺瓢遨遊燕趙有陶靖節之遺風淡齋則理學名宿以孝弟敬讓爲宗修身治家著有質疑辨惑等集居成寐菴與光生西清齋密邇嘗相切磨而與儕鷗綿密瓜里皆通縞紵焉光生先生幼聰敏十二能文十八補諸生五十有六成歲進士事兄如父愛姪猶子遵其父喬瞻公遺命同兄爨五十餘年無片言

齟齬者每花晨月夕隨兄登蒙泉樓賞奇析疑聯詩和歌子弟烹茶侍側有客戾止則談古今究天人怡怡切思樂而忘倦學富才雄爲文搖筆如飛而且善誘後學遊其門者率多成名士若李子愔初王子子常高子純熙魏子興可王子居敬張子興周趙子盈之及其族孫淳如胞侄曉皆彬彬選也贊生也晚不獲執鞭從遊迄今環顧吾邑迴念先君子之言不禁涕泗沾襟感慨係之矣乃曉表章其祖父與叔之德行咸刻石以示後昆則吾邑諸君子不共垂不休哉考漢以前無安姓者自安息王入質太子遂以爲氏始今先生子侄諸孫皆力學有爲不肯隨俗波靡傳所謂公侯之子孫必復其始者不在是與先生諱蘊璞生于崇禎十四年卒于康熙四十一年元配張繼配劉俱逝再娶廩生馬見光之女生子三長冕次易邑庠生三畝女一孫十研礚礚硤硤冕出殯庠生殉易出

按此表劉調贊
撰見杖溪文集

安輝生先生墓表

輝生先生諱蘊瑜別號醉月生于崇禎十三年二月二十日卒于康熙五十年九月

十五日越明年十月葬于祖兆又明年二月矗石墓前至是仲公子曉以表文不如式倩余訂而易之予以表文必德學足以信今傳後者爲之鄙猥曷克語此固辭不獲爰撫其實俾剗諸禍以後焉先生初爲舉子業既而棄之語弟光生曰吾輩日用倫常自有至樂古聖賢曲肱飲水風浴詠歸何在不可適志奚必富貴弟勉仕以行其學吾不復向青紫問問業矣闢地建草廬隨意植花木數種時而啜茗獨吟時而對月高歌時而讀周易國風離騷諸書而情懷三代時而誦陶詩三五章以抒其曠達時與園翁溪友談農圃量晴雨時共理學名儒論道德談經濟時或檢方調劑以拯人危疾著自怡集二卷詩詞暨曲若干不必拘拘聲韻惟道其胸中所欲言吐好客下士乃廉于自奉終身羞著鮮衣常戒家人勿御錦帛侈靡者遇之多愧顏嗟乎士生斯世惟以希名鶩利爲孳孳誰復自適其志知有日用倫常之樂哉博野顏習齋先生爲丁父艱置諸生遠宗周孔正學躬行實踐以三物四教爲傳習海內士聞風興起者甚衆今先生具達觀之識而閉戶獨善遠邇亦有傳其芳躅者始信名至實副正不在于營營也元配張介卿之女生長子旭繼配廩膳生宋運開之女生仲子

曉增廣生季子暄孫三容礪旭出容確容磐暄出曾孫三提招持皆容礪出提有志于詩書禮樂修身經世之務欲步趨賢聖不屑羈晚近籬下其所以光大乃祖者又安可量哉

按此表邑人劉調贊撰見杖溪文集

喬瞻安太翁墓表

喬瞻安太翁諱寅吾從姊丈曉之大父也祖居山西平陽府洪洞縣明永樂間遷于威縣北之漁臺世以忠厚傳翁孝慈仁讓品式金玉精歧黃術嘗破產購藥以活人能歌時擊鼓拍板度曲自娛延師訓子務令作通儒雖賣田以供不惜也初翁生而殷富後值明季土寇猖熾徵役無厭產漸落而教子攻醫浩然不輟生于萬曆四十八年七月十七日卒于順治十八年正月二十二日享年四十有三元配劉氏鴻臚寺序班芳遠公之女生二女長蘊瑜次蘊璞歲貢生皆以文學名于時繼配王氏武舉吉人公女生女一

按此表邑人劉調贊撰見杖溪文集

重修城隍廟碑記

碑在城隍廟康熙六十年立結銜大名府魏縣知縣署廣平府

王文維書丹文略謂予承乏天雄之魏邑自康熙壬辰歲署篆洺水謁城隍廟見棟宇雀穿垣牆鼠窟即擬修葺旋以新令至謝歸魏邑歲至壬寅高公欲撤而新之以王事賢勞未克經始運餉曹徐兩先生又承檄署篆見昔之雀穿者已摧剝鼠窟者成坦途乃捐俸倡修學博曹徐兩先生縣尉朱君亦捐俸助予不逮紳士商民無不踴躍輸金樂觀厥成工始於三月告竣於五月遂申明神道設教之義以記其事云按邑宰高公當是高汝櫓

新建海藏菴碑記

按此碑記在城北李家屯海藏菴雍正十一年林中桐撰

劉氏始祖墓表

按此表撰文者為李文長見杖溪文集文中有甲寅字樣蓋雍正十二年也

重修學廟碑記

粵稽文廟之始創自漢建元中立夫子廟於太學至光武命天下郡縣皆立廟歷代相傳其殿宇門庭禮儀俎豆俱有成典此非徒崇其名也誠以道在天下先夫子而聖者非夫子無以明後夫子而聖者非夫子無以法祖述憲章儀範師表歷萬世而莫外也故道尊而教以明亦廟立而人知仰惟廟貌之森嚴斯敬思之彌摯威邑廟制在縣治東南隅宮牆殿廡屹如也然風雨飄搖濕鹵剝傾圯大半泮池與名宦鄉賢二祠且塌為平地矣土甃短牆半沒荒草肅敬之心變為肅瑟嗚呼是誰之咎

耶余於丙午歲來鐸斯邑謁廟之時環視蕭然心爲愴惻學敝至此是豈所以妥神明而揚教化哉爰與司訓鄭君同謀於邑侯平原董公卜日營修但工費浩繁力薄難勝募諸紳士僅得銀若干而擇其頽圯尤甚者道德坊泮池戟門及名宦鄉賢數處而修之至壬子漳南許公再修南城奎樓然而功未及半也歲在癸丑詔諭天下重修文廟適茶陽張公奉命宰威下車之始慨然以爲已任首捐俸百金以倡紳士紳士亦無不欣然樂輸者募貲千金有奇乃命諸生監督經營咨度庀材鳩工經始於甲寅三月落成於乙卯十月自大成殿兩廡及內外羣牆併明倫堂兩齋諸門皆煥然更新焉於戲大道高深至教洋溢日星河嶽見雲漢之昭回棖枅几筵寶神靈之憑式隆禋祀者所以尊道統崇殿宇者所以肅觀瞻也諸生勉乎哉至於風雨侵蝕時有損壞又不可不頻加修葺也是不能無望於後之君子焉爰爲記

按此碑記在文廟月橋西南雍正十三年威縣教諭傅基孔撰知縣張鳳光原任知縣周繼祖訓導李愈典史李玩把總趙景重修

直隸廣平府威縣張公諱紀字季常墓表

按碑在康寺古採訪冊無年月及撰者姓名

重修海藏菴碑記

按此碑記在城北李家屯海藏菴內撰文者爲李東魯

老官寨義學記

余以丙寅蒞任沿水甫下車即博訪邑之學校散見於城市四鄉者得名若干區治之東南隅老官寨其一也先是老官寨有逃戶地六十五畝前縣因其無主歸於城之義學歲取其租息爲學師修脯之資久之學師某因上訴赴都無資典於村紳任之雲弗克贖之雲又格於公議不敢私呈於官愿以所典地爲闔村學地前縣嘉其舉允其請老官寨之有義學由此始嗣是村之歲延師館穀皆取給於此人各認數畝而耕之計其入輸之師率爲常而爲任後者乃隱然以爲吾家物而欲專主之丁卯春村衆因與任議不和各爲師而互爭其地訟於官余查此地雖仿於任究非任姓有前師與任之雲私相典易均不合但之雲知其不可私據而仍公之可謂善補其過奈何後之人竟又違其意而背乎義也余以此不直任任不屈聞於郡憲余以前議上之憲可其議而更飭爲善後計先是村中既有學地曾構學舍數椽日久風

兩剝蝕傾圯無存近之館者移就觀音堂陋不稱體村人咸欲重建之而未果余思有學地而無講學之區不可爰進村衆而勸諭之俾各量捐資斧共成義舉其外村有願附合者亦聽於是衆踴躍從事計本村所捐得若干金外村附捐亦得若干金遂鳩工材度地宜刻日興工不數日而成學舍三楹周以牆垣外段扇戶顏之曰老官寨義學另選村之老成公直者董其事而進本村及外村子弟課讀其中今而後義學之規制備矣而爭端亦息抑余猶有望焉義以徙而曰崇學以進而日上循是以推今之學地數十畝異日獨不可擴而充之乎今之學舍僅數間異日獨不可以而廣之乎任與閭村苟能同好棄惡始終有成則既有以養子弟之中才而更可以興一里於仁讓其所以爲善後計者又豈僅如目前云云乎余將樂得而風示之矣旣以命復郡憲爰迹其事而爲之記

按此記乾隆十三年知縣徐天球撰

田如龍墓表

田生邑庠生諱如龍字夔菴下學其齋號也去後銘文貞少諄謹十歲失怙棺有疤